

**Cofnodion y cyfarfod a gynhaliwyd ar 29 Ebrill
2013**



11.15-12.45, Ystafell Gynadledda 23

Yn bresennol:

**Claire Clancy (Prif Weithredwr a Chlerc) (Cadeirydd)
Elisabeth Jones (Cyfarwyddwr y Gwasanaethau Cyfreithiol)
Nicola Callow (Cyfarwyddwr Cyllid)
Non Gwilym (Pennaeth Cyfathrebu)
Bedwyr Jones (Pennaeth TGCh Dros Dro)
Kathryn Potter (Pennaeth y Gwasanaeth Ymchwil)
Mair Parry-Jones (Pennaeth y Gwasanaeth Cyfieithu a Chofnodi)
Mike Snook (Pennaeth Pobl a Lleoedd)
Craig Stephenson (Pennaeth y Gwasanaeth Cymorth i'r Comisiwn
ac i'r Aelodau)
Chris Warner (Pennaeth Gwasanaeth y Pwyllgorau Polisi a
Deddfwriaeth)
Siân Wilkins (Pennaeth Gwasanaethau'r Siambr a Deddfwriaeth)
Gareth Price (y Gwasanaeth Trawsnewid Strategol)
Carys Evans (Pennaeth Cyswllt a Datblygiad Proffesiynol yr
Aelodau)
Lowri Williams (Pennaeth Adnoddau Dynol)
Liz Jardine (Ysgrifenyddiaeth)
Ryan Bishop (Ysgrifenyddiaeth)**

1.0 Cyflwyniadau ac ymddiheuriadau

**1.1 Cafwyd ymddiheuriadau gan Dave Tosh (Cyfarwyddwr TGCh)
ac Anna Daniel (Pennaeth y Gwasanaeth Trawsnewid
Strategol). Croesawyd Lowri Williams, a oedd yn bresennol i
arsylwi ar y modd y mae'r Bwrdd yn gweithredu; Carys Evans,
yn rhinwedd ei rôl yn darparu cymorth ysgrifenyddol i'r
Comisiwn; Bedwyr Jones, a oedd yn bresennol am y tro cyntaf
ers ei benodiad fel Pennaeth TGCh dros dro; a Gareth Price, a
oedd yn bresennol ar ran Anna Daniel.**

1.2 Nid oedd buddiannau i'w datgan.

2.0 Cyfathrebu â staff

2.1 Cytunodd Elisabeth Jones i ddrafftio nodyn ar drafodaethau'r Bwrdd Rheoli ar gyfer y dudalen newyddion.

2.2 Cofnodion y cyfarfod a gynhaliwyd ar 27 Mawrth 2014

2.3 Cytunwyd bod y cofnodion yn gofnod cywir.

3.0 Cyfarfod strategaeth y Comisiwn a'r cynllun newydd

3.1 Bu'r Bwrdd yn trafod canlyniadau'r cyfarfod strategaeth a gynhaliwyd yn ddiweddar gan y Comisiwn. Bu'r Comisiynwyr yn trafod y cynnydd a wnaed, a'r hyn a gyflawnwyd, mewn perthynas â phedwar nod strategol y Pedwerydd Cynulliad, a pha gamau y bydd angen eu cymryd erbyn diwedd y Cynulliad hwn er mwyn i'r Comisiynwyr deimlo'n fodlon ynglŷn â'r gwaddol a adewir yn sgîl eu gwaith.

3.2 Clywodd y Bwrdd fod y Comisiynwyr yn gwerthfawrogi gwaith staff y Comisiwn mewn perthynas â'r llwyddiannau sylweddol a gyflawnwyd hyd yma yn y Cynulliad hwn. Fodd bynnag, nodwyd y ffaith nad oedd gan yr Aelodau ymwybyddiaeth ddigonol o'r llwyddiannau hyn, ac y dylai swyddogion ystyried ffyrdd gwahanol o rannu'r wybodaeth hon.

3.3 Materion eraill o bwys a godwyd gan y Comisiynwyr:

- dylai'r gefnogaeth a ddarperir i Aelodau fod mor effeithiol â phosibl o fewn y meysydd lle mae gan staff y Comisiwn ddylanwad a rheolaeth;**
- dylai swyddogion ystyried darparu gwasanaethau wedi'u teilwra ymhellach er mwyn diwallu anghenion Aelodau ac er mwyn helpu iddynt reoli eu llwyth gwaith Pwyllgor; a**
- dylid gweithredu dull clir o anfon e-byst dwyieithog ar draws y Cynulliad, fel y gall siaradwyr Cymraeg a siaradwyr Saesneg gael mynediad at destun yn eu dewis iaith yn gyflym ac yn hawdd.**

3.4 O ran yr hyn sydd angen ei wneud o hyd, roedd y Comisiwn yn ystyried bod y cyfeiriad a nodwyd yn 'Ein Cynllun i gyflawni

Strategaeth y Comisiwn' yn gadarn, ac nad oedd angen gwneud newidiadau sylweddol. Fodd bynnag, o ganlyniad i'r drafodaeth hon, byddai rhai mân newidiadau i'r meysydd blaenoriaeth o ran newid, arloesi a buddsoddi ar gyfer gweddill y Cynulliad hwn.

- 3.5 Adolygodd y Bwrdd y cynllun drafft newydd ar gyfer gweddill y Cynulliad hwn, a fyddai'n cael ei gyhoeddi ar fewnwyd y staff yn dilyn hynny. Byddai staff yn cael cyfle i ofyn cwestiynau am y cynllun yng nghyfarfodydd yr holl staff ar 19 a 22 Mai.**

4.0 Cyllideb 2015-16

- 4.1 Cyflwynodd Nicola Callow y ddogfen amlinellol ar gyfer cyllideb ddrafft 2015-16, a fyddai'n cael ei chyflwyno i'r Comisiynwyr ar 8 Mai, er mwyn iddynt gael cyfle i gynnig sylwadau. Hysbyswyd y Bwrdd fod y cam amlinellol hwn yn rhan newydd o broses gyflym a fyddai'n sicrhau bod llawer o'r gwaith ar y gyllideb ddrafft yn cael ei gwblhau cyn toriad yr haf. Roedd hyn hefyd yn rhoi mwy o amser i aelodau'r Bwrdd fwydo i mewn i broses y gyllideb nag mewn blynyddoedd blaenorol.**

- 4.2 Gwnaeth y Bwrdd sylwadau ar sawl agwedd ar y papur, a chytunodd Nicola i'w gweithredu. Nodwyd y byddai dylanwadau allanol, fel yr amgylchedd ariannol, cyhoeddiad y gyllideb ac Araith y Frenhines, yn cael effaith ar y broses o lunio'r gyllideb derfynol cyn iddi gael ei chyflwyno gerbron y Cynulliad.**

- 4.3 Dywedodd Nicola wrth y Bwrdd y byddai'r gyllideb amlinellol, wedi i'r Bwrdd Rheoli a'r Comisiynwyr ei hadolygu ac wedi iddynt gytuno arni, yn cael ei datblygu fel drafft cyntaf y gyllideb i'w chyflwyno i'r Comisiynwyr ar 10 Gorffennaf 2014.**

5.0 Adroddiad ar Berfformiad Corfforaethol (Ebrill 2013 - Mawrth 2014)

- 5.1 Adolygodd y Bwrdd yr adroddiad ar Berfformiad Corfforaethol ar gyfer y cyfnod rhwng Ebrill 2013 a Mawrth 2014 cyn i Gomisiwn y Cynulliad ei drafod ar 8 Mai. Roddwyd**

canmoliaeth i'r tîm am baratoi'r adroddiad mor gyflym ar ôl diwedd y flwyddyn ariannol.

5.2 Gwnaeth y Bwrdd sylwadau ar nifer o'r dangosyddion perfformiad allweddol (DPA) a oedd wedi'u cynnwys yn y papur, yn ogystal â materion yn ymwneud â chyflwyno'r wybodaeth. Byddai'r materion hynny'n cael eu trafod y tu allan i'r cyfarfod.

5.3 Camau i'w cymryd:

- Nicola i roi adborth i Kath Hughes (Rheolwr Risg a Llywodraethu) ynghylch y newidiadau a awgrymwyd gan y Bwrdd;
- Mike Snook a Lowri Williams i ystyried effaith y cynnydd yn y ffigurau DPA ar gyfer lefelau boddhad ymwelwyr ar adnoddau (DPA 6);
- Carys Evans i weithio gyda Kath Hughes i ystyried dangosyddion mwy ystyrion ar gyfer dysgu Cymraeg ac ymgysylltu parhaus mewn perthynas â datblygiad proffesiynol parhaus (DPA 3).

6.0 Y wybodaeth ddiweddaraf am risgiau corfforaethol

6.1 Cynhaliodd y Bwrdd ei adolygiad cyfnodol o'r Gofrestr Risgiau Corfforaethol a bu'n ystyried yr adroddiad cryno ar risgiau lefel gwasanaeth, gyda golwg ar nodi risgiau posibl y dylid eu trosglwyddo i'r lefel gorfforaethol.

6.2 Dywedodd Claire wrth y Bwrdd fod y Pwyllgor Archwilio a Sicrhau Risg yn edrych yn fanwl ar bob un o'r risgiau corfforaethol allweddol yn eu tro, ac y byddai'r risgiau yn ymwneud â gweithgareddau'r Bwrdd Taliadau yn cael eu hystyried ar 9 Mehefin.

6.3 Cytunodd y Bwrdd:

- y dylid trosglwyddo'r risg ynghylch cynnydd yn y defnydd o gyfryngau cymdeithasol i'r lefel gorfforaethol, er mwyn

sicrhau bod y Bwrdd yn parhau i fod yn ymwybodol ohono yn y dyfodol; ac

- y dylid ychwanegu cyfeiriad at FiYw at y risg capasiti corfforaethol er mwyn roi sicrwydd mewn perthynas â cham nesaf cyflwyno'r cymhwysiad.**

6.4 Cam i'w gymryd: Non Gwilym i arwain ar drosglwyddo'r risg sy'n ymwneud â chyfryngau cymdeithasol i'r lefel gorfforaethol.

7.0 Yr Adroddiad Misol ar Gyllid

7.1 Bu'r Bwrdd yn trafod sefyllfa ariannol y Comisiwn ar gyfer y flwyddyn a ddaeth i ben ar 31 Mawrth 2014.

7.2 Roedd yr alldro ar gyfer y flwyddyn yn bur debyg o fod yn agos iawn at y rhagolygon. Mynegodd aelodau'r Bwrdd eu diolch a'u llongyfarchiadau i bawb ym mhob gwasanaeth sydd wedi gweithio'n ddygn i ddarparu rhagolygon cywir a chyfredol i'r Tîm Cyllid drwy'r flwyddyn.

7.3 Roedd dal cyfle i ddiwygio unrhyw faterion a oedd yn codi, gan nad oedd y croniadau terfynol wedi'u cymhwyso.

Cloi'r cyfarfod

8.0 Unrhyw fater arall

8.1 Diolchodd Mike Snook i'r Bwrdd am y sylwadau a wnaed ar y polisi sabothol, a dywedodd y byddai'r wybodaeth ddiweddaraf yn cael ei hanfon allan yn fuan, cyn ymgysylltu â'r undebau. Byddai rhestr o staff cymwys yn cael ei hanfon at bob Pennaeth maes o law.

8.2 Cynhelir cyfarfod nesaf y Bwrdd Rheoli ar 12 Mai.